

全五代詩

全五代詩

清端先生
書錄子廣漢

全五代詩

五代詩向無全本編詩者率皆附之唐末宋初之間並少專輯惟新城王尚書漁洋有五代詩話而所載者事蹟詩或缺焉竊嘗論之梁唐晉漢周厯五代十三君共五十二年其閒或縉紳或隱逸代不乏人然各事其主判若町畦如梁初或可附之唐末矣晉漢周則去唐較遠周末或可附之宋初矣唐晉漢則距宋稍遙况兼以十國各據疆土卽五代之君亦不能隸其版土而屬之而况乎唐宋所謂風馬牛不相及者以

之附入豈不謬乎夫讀古人書貴知古人之世
事君之義從一而終此天經地義也而五代年
間易姓僭竊如翻鏹上餅以致官爵益濫小人
乘君子之器富貴出於非意視國家安危如秦
越不相謀故其時將相大臣有一人而事一二
朝者有一人而事四五朝者如後唐之馮道所
向稱臣後梁之王易簡幾遍五代後漢之王仁
裕歷事八君似處處皆可攔入當附入何代乎
惟於其人核其生平將受知必有最深之地功
名必有最顯之時本其時其事以定其爲何代

之人亦愧其不安之意也故數年來於趨署直
宿之餘輒坐擁諸書詳加繙核有五代詩而爲
前人附入唐末宋初者俱一一歸還之或應入
某代或應入某國各按其時其事而更於每人
姓氏之下綴以小傳皆據各書採錄非臆說也
蓋不如是則不足以成五代之詩也更於五代
後附以十國凡有斷章摘句靡不收入統名之
曰全五代詩共計書一百卷自乙未春二月至
戊戌春正月積三年而始成雖草創經營不無
坦率而獵祭之下頗自信撫拾無遺庶幾使五

十二年之文獻得以不墜不亦可乎我

朝文教光昌炳耀千古近於鄉會益以詩律薄海內
外莫不炳炳麟麟羣趨風雅矣今是編之出或
亦操觚者不無一得之助也夫

大清乾隆四十五年庚子八月朔日

賜進士出身不奉直大夫

欽命提督廣東學政吏部考功司員外郎兼翰林院
編修綿州李調元雨村甫謹序

調元

杭藩

中邑

鶴州

凡例

一五代詩向無輯本今取昔人所附之唐末宋初之閒者以成此書意在備收爲五十二年典故之徵披沙揀金非吾事也

一五代詩人最著者梁之杜彥之南唐之徐鼎臣前蜀之韋端已吳越之羅江東閩之韓致堯皆大家也詩固全錄至荆南之齊已蜀之貫休釋家之最著者詩雖糅雜非大家可比然卷帙相傳本富亦備錄焉

一十國人文惟南唐最盛故編卷最餘其次卽惟前

後兩蜀采藻明艷焜燿一時再次若楚閩吳越亦
推聲名文物之區如南北漢則著者寥寥遍加搜
討僅各得一卷亦可見其一班矣

一五代詩人率多事不一君今惟按其事實於何代
最著則斷以某代至有唐人而入五代五代而入
宋者不加採入則五代詩人不全故備收之庶無
遺失

一五代詩人以詩著名當代而兵戈之際流離散失
以至全集不傳間有一二佳句多雜見於唐宋諸
叢書中茲不另立名次惟附於各代各國諸人詩

話之中使閱者從首至尾細爲尋繹方知無滲水之漏也

一五代中十國多有奉五代正朔者如吳越閩荆南楚南唐時叛時附故抄五代之詩而不附十國則無以觀其全然究以五代爲正十國附之故止名全五代詩

一唐末如司空圖之聞梁加尙書官不食而卒李悅之爲王行瑜所殺旋得贈官吳融之不肯爲錢鏐王官皆忠於唐室事節凜然不敢採入

一五代詩話無不具備

一讀書貴知人論世故於每人先敘字爵里居諡法
再綴以事蹟庶讀者可以得其人之厓畧焉

一編書貴有次第故於每代每國詩人必先官爵次
隱逸次道釋次閨媛次神仙鬼怪次歌謠雜識次
樂章庶覽者便於繙閱

一詩有古今各體此書之輯每一人必先樂府次四
言次五古次七古次五律次五排次七律次七排
次五絕次六絕次七絕各國皆倣此

一杜撰無徵素心所鄙是書採用書目幾三百種今
並列左方以便攷訂者互相查對

一五代帝王及十國僭號年譜另編一冊於卷首庶覽者於歷代興衰之故一目瞭然

一是編編定余獨任之至於校讐魯魚亥豕則舍弟檢村鼎元墨莊具有力焉綿州李調元雨村識

全五代詩

凡例

三



全五代詩

五代帝王廟謚年諱譜

梁 朱氏都洛陽以開封爲東都二主十七年

太祖神武元聖孝皇帝晃本名溫碭山人初從黃
巢後降唐賜名全忠封梁王天祐四年篡位
於大梁元年丁卯三年己巳遷洛陽在位七
年癸酉其子友珪弑之

開平四 乾化二

宣陵 追尊敬祖諱茂改茂名縣爲越常

縣兼避戊字凡戊改爲武 憲祖諱信凡信

皆爲實 烈祖諱誠兼避城成等字凡誠爲

確新城爲新登長城爲長興樂城爲樂清城
郭之城爲牆成全之成爲完

末帝初名友貞卽位更名鐔貞明中又更名瑱晃
子封均王誅友珪立元年癸酉在位十一年
癸未唐兵入汴爲其下所殺 仍稱乾化二

貞明七乙亥十一月改 龍德三辛巳五

月改

唐 本姓朱耶賜姓李氏都洛陽四主十四年

莊宗光聖神閔孝皇帝存勗其先沙陀部人父克
用唐末以討黃巢功封晉王克用薨嗣晉王

位六年紹唐正統稱帝元年癸未在位四年

丙戌兵亂中流矢崩

同光癸未四月改

雍陵

追尊獻祖諱國昌凡昌字皆避改昌

明縣爲彰明昌江縣爲平江延昌縣爲延唐

義昌縣爲彬義金昌縣爲唐山

明宗聖德和武欽孝皇帝宣初名嗣源代北應州

人克用養子同光三年爲鄴都亂兵所立元

年丙戌入洛在位八年癸巳崩

天成五丙戌

四月改

長興

四庚辰二月改

徽陵

愍帝從厚明宗第三子封宋王元年癸巳在位四

月明年潞王兵入出奔遇害

應順甲午正

月改

潞王從珂明宗養子本姓王氏弒愍帝自立元年

甲午在位三年丙申石敬瑭兵逼自焚

清

泰甲午四月改

晉

本出西夷姓石氏不知所始都洛陽後遷開封二

主十一年

高祖聖文章武明德孝皇帝敬瑭太原人以北京

留守舉兵爲契丹冊立元年丙申在位七年

壬寅殂

天福丙申十一月改

顯陵

敬